

# ጾኑሲ ማደ"ሞ ዳኪንቴ የሐኪሴኮ ቤርታሳ ኪሊቶ" ዓይጾ ካሮ"

ጾኑሲ ማደ"ሞ ዳኪንቴ የሐኪሴኮ ቤርታሳ ኪሊታ" ላምፆ ዴኤፐ ዴኤፐ ማሊሂ ዓርቄያኬ፤ ይያታኦ:-

ኪሊቶ" ናባባ ዓሶኮ ጾኑሲና ዒዛኮ ናዓሂ፣ ዩሱሰ ኪሪሰቶሴና ዋላ" ፔቱሞ ዓኣያ ማዓንዳጉዲ ደዲሻኒና ዩያ ፔቱሞ ባይዛኒ ዳንዳዓ ሉኡዙሞ ዔርዚያ ዔሪ ካፒንታንዳጉዲ ላቲ" ኬኤዛያኬ። ዩና ዋዶ"ና ኬሰኬ ሉኡዙሞ ዔርዚያ:- «ፑርቱሞ ሙካሂ ሃያ ጾዳ ዓጮ"ና ካኣሚሂዳፓ ማዔሂሮ ጾኑሲኮ ናዓሂ፣ ዩሱሴ ፔቱ"ታፆ ዓሲ ማዓኒና ሃሃ ዓሲ ማሊሂ ዓኣያ ማዓኒ ዳንዳዑዋሴ» ጋዓያኬ። ዩያታ ሉኡዙሞ ዔርዛ ዓሳ:- «ዳቂንታ ጌይሂ ናንገና ናንገ ዴንቃኒ ጌዒ ማሊ ሜታዲሂ ሃሺ"ኬ» ጋዓኔ፤ ሃሃ ዔያታ:- «ዓሲ ሐሽኪኬ፣ ፑርታኬ» ጌዒ ማላ ባኮንታ ሜሌ" ዓሲ ናሽኪሂንታ ዳቂንታና ፔቱ"ታፆ ዋላ" ካኣሙዋሴ» ጋዓኔ።

ሐኖ" ኪሊቶ" ፃኣፔ ዓሂ ጋዓንቴ ዩያ ማሊያ ዒዲ ማኪሂና:- «ዩሱሰ ኪሪሰቶሴ ፓጫ ባኣዚ" ባኣያ ኩሙሂ ዓሲኬ፤ ዩሱሴ ጉሙርቃዘንሂና ጾኑሲ ናሽካዘንሂ ቢያ ዋሊ ናሽካንዳያ ኮይሳኔ» ጌዒ ዓሶሞ ፔጋሲ ኬኤዜኔ።

## ማፃኣፔላ ዲማ ዲማ ዓርቄ ባኮ

ዓይጾ ካሮ" 1፡1-4

ፖሲና ዲሚና ኮኣኪንሂ ማሂ ኬኤዚንቴ ባኮ 1፡5—2፡29

ጾኑሲ ናይና ፃላሃ ናይና ዛላ 3፡1-24

ጎኔና ሉኡዙሞና ዛላ 4፡1-6

ናሹሞ ዛላ 4፡7-21

ቢያ ባኣዚ" ባሻ ጉሙርቄሂ ዛላ 5፡1-21

## ናንጊ ቃኣላ

1 ቤርታፓ ዓርቃፆ ዓኣ ናንጎ ቃኣሎ" ዛሎ" ኑ ዒንሂሞ ፃኣፔኔ፤ ዩይ ናንጎ ቃኣላ" ኑኡኒ ዋይዜሂ፣ ኑ ዓኣፖና ኑ ዛጌሂና ኑ ዴንቄሂ ሃሃ ኑ ኩጮናኣ ኑ ዓርቄሂ ዛሎ"ኬ።

2 ይይ ናንጎ ማዕረግ ፔጋዲ ደዕደዕ፤ ኩኒያ ይያ ዛገኔ፤ ይያ ዛሎ"ዎ ኑ ማርካዳ። ዓዳሂ ኮራ ዓኣ፣ ኩሉማኣ ፔጋዲ ደዕደ፣ ናንገና ናንጎ ኑ ዒንሂም ኬኤዛ።

3 ዒንሂኮ ኩኡና ዎላ" ፔቱሞ ዓኣያ ማዕንዳጉዲ ኑ ዛገሂና ዎይዜሂና ዒንሂም ኬኤዛ፤ ኩኡኮ ፔቱማ ዓዳሂና ናዓሂ፣ ዬሱሰ ኪሪሰቶሴና ዎላ"ኬ።

4 ኩኡኮ ዎዛ" ኩሙሂ ማዕንዳጉዲ ሃያ ኑ ዒንሂም ፃኣፔ።

**ፆኦሲኮ ፖሊ ማዒያ**

5 ዒዛይዳፓ ኑ ዎይዜ ዒንሂም ኬኤዛ ኪኢታ"፡- «ፆኦሲ ፖሊኬ፤ ዲሚ ዒዛ ኮራ ፔቱ"ታዎ ባኣሴ» ጋዓያኬ።

6 ዬያር፡- «ፆኦሲና ዎላ" ኩኡኮ ፔቱሞ ዓኣኔ» ጌዒ ጌዒ ዲሞይዳ ኑ ናንጋያ ማዕቴ ኑ ሉኡቃ፤ ኑ ኬኤዛ ባኮና ማዳ ባኮናኮ ጎኑሞ ባኣሴ ጌይሂኬ።

7 ጋዓንቴ ዒዚ ፖይይዳ ዓኣሂጉዲ ኩኒ ፖይይዳ ናንጋቶ ኩኡኮ ዎሊና ፔቱሞ ዓኣያ ማዕንዳኔ፤ ሃሃ ዒዛኮ ናዓሂ፣ ዬሱሰ ኪሪሰቶሴኮ ሱጉፃ ጎሜ ቢያይዳፓ ኑና ጌኤሻ"ኔ።

8 «ጎሜ ኩኡኮ ባኣሴ» ኑ ጌዔቴ ኑና ኑ ጌሻኔ፤ ጎኑሞዎ ኑ ጊዳ" ባኣሴ።

9 ኩኡኮ ጎሞ ፆኦሲም ኑ ቡኡፀቴ ዒዚ ጉሙርቂንታያ፣ ሃሃ ጌኤሻ ማዕረግ ጎሞ ኩኡኮ ቢያ ዓቶም ጋዓንዳ፤ ኑ ዲቢንቶይዳፓኣ ቢያ ኑና ዒ ጌኤሻ"ንዳ።

10 «ጎሜ ኑ ማዲባኣሴ» ጌዔቴ ፆኦሲ ሉኡዚ ኑ ማሃኔ፤ ዒዛኮ ቃኣላ"ኣ ኑ ጊዳ" ባኣሴ።

## 2

**ኪሪሰቶሴ ኑና ማኣዳ"ያ ማዒያ**

1 ታ ናይዮቴ! ሃያ ታ ዒንሂም ፃኣፓሂ ጎሜ ዒንሂ ማዲሞጉዲ ጌይኬ፤ ጋዓንቴ ዓይጎ ዓሲያ ማጋም ጎሜ ማዲያ ማዕቴ ኑ ዓዳሂ ኮይላ" ማዒ ኑ ዛሎ" ጌሰታይ ዓኣኔ፤ ዒዚያ ዒሎ" ማዕ ዬሱሰ ኪሪሰቶሴኬ።

2 ኩኡኮ ጎማ ዓቶም ጌይንታሂ ዒዛናኬ፤ ያዲ ማዓሂ ኑ ጎሞ ሌሊቱዎንቴ ዓጮ" ዓሲ ቢያሂሲኬ።

3 ፆኦሲኮ ዓይሂያ ኑ ኩንሃያ ማዕቴ ኑ ዒዛ ዔራያ ማዒያ ዬያና ኑ ጎናሲ ዔራንዳ።

4 «ፆኦሲ ታ ዔራኔ» ጌይ ጌይ ዒዛኮ ዓይሂያ ኩንሁዎይ ዓኣቶ ዬይ ሉኡዚ ዓሲኬ፤ ጎኑሞዎ ዒዛይዳ ባኣያኬ።

5 ጋዓንቴ ያኑሲ ቃኣሎ"ም ዓይሢንታሢ ሲያ ያኑሲ ጉቤ ዒናፓ ርሽካኔ፤ ጎኔና ኑኡኮ ያኑሲ ዓሲ ማዒፃ ዔርታሢ ዬያናኬ።

6 «ያኑሲና ታ ናንጋኔ» ጋዓ ዓሲ ኪሪሰቶሴ ናንጌ ጎይፆ ናንጋንዳያ ኮይሳኔ።

**ዓኮ ዓይሢፆ**

7 ታ ዒጊኖንሢሢፍቴ! ሃይ ታ ዒንሢም ፃኣፓ ኪኢታ" ቤርታፓ ዓርቃፆ ዒንሢ ዔራያ ሓሢ ናንጌያ ማዓንዳኣፓዓቴም ዓኪቱዋሴ፤ ሃይ ናንጌ ዓይሢፆ ቤርታ ዒንሢ ዋይዜ ቃኣሎ"ኬ።

8 ማዔቴያ ኪሪሰቶሴ ናንጎና ዒንሢ ናንጎናይዳ ጎኔ ማዒ ጰ.ጰ፥ ዓኪ ኪኢታ ታ ዒንሢም ፃኣፓኔ፤ ዓይጎር ጌዔቴ ዲማ ባይቂ ጎኑም ፖዒ' ፖዒ ፖዒ ዓኣሢርኬ።

9 «ፖዒዳ ታ ናንጋኔ» ጌዒ ጌዒ ፔ ዒሻሢና ፔ ሚሼሎና ዒፃሢ ሃጊ ዲማ ዓኣኔ።

10 ፔ ዒሻሢና ፔ ሚሼሎና ርሽካሢ ሲያ ፖዒዳ ናንጋያኬ፤ ዒዛ ዘሎ"ና ዓሲ ዳቢንቴ ጎሚይዳ ጌላዓኬ።

11 ፔ ዒሻሢና ፔ ሚሻና ዒፃሢ ጋዓንቴ ዲሚዳ ናንጋኔ፤ ሃሣ ዲሞይዳኣ ሃንታኔ ዲማ ዓኣፖ ዒዛኮ ባይዜሢር ዒ ዓኣዳ ቤዘዋ ዔራዋያኬ።

12 ታ ናይዮቴ! ጎማ ዒንሢኮ ኪሪሰቶሴ ሱንፆና ዓቶም ጌይንቴሢር ታ ዒንሢም ፃኣፓኔ።

13 ዓደንሢሢፍቴ! ቤርታፓ ዓኣሢ፥ ዒዛ ዒንሢ ዔራሢር ታ ዒንሢም ፃኣፓኔ። ዴጌዘቴ! ፑርታሢ፥ ዒንሢ ባሼሢር ታ ዒንሢም ፃኣፓኔ።

14 ናይዮቴ! ያኑሲ፥ ዓዳሢ ዒንሢ ዔራሢር ታ ዒንሢም ፃኣፓኔ። ዓደንሢሢፍቴ! ቤርታኣፓ ዓኣሢ፥ ዒዛ ዒንሢ ዔራሢር ታ ዒንሢም ፃኣፓኔ። ዴጌዘቴ! ዶዲ ዒንሢ ማዔሢር፥ ያኑሲ ቃኣሎ"ናኣ ዒንሢ ዶዲ ዓኣሢር ሃሣ ፑርታሢያ ዒንሢ ባሼሢር ታ ዒንሢም ፃኣፓኔ።

15 ሓያ ዓጮ"ንታ ሓያ ዓጮ"ይዳ ዓኣ ዓይጎ ባኣዚ"ያ ርሽኪፖቴ፤ ዓጮ" ርሽካ ዓሲ ያኑሲ፥ ዓዳሢ ርሽኩዋያኬ።

16 ዓይጎር ጌዔቴ ዓሲኮ ፑርታ ሱኡኬ፥ ዓኣፒም ኮሻካ ባኣዚ"ና ዓሲ ሄርሽንቴሳ ባኣዚ" ሃያ ዓጮ"ፓ ማዓንዳኣፓዓቴም ያኑሲ፥ ዓዳሢዳፓቴዋሴ።

17 ሓያ ዓጮ"ና ሃካ ዓኣ ፑርቶ ሱኡካ ባይቃንዳኔ፤ ያኑሲ ማሊፆ ኩንሢ ናንጋሢ ጋዓንቴ ናንጊና ናንጋንዳኔ።

**ኪሪሰቶሴ ዒፃ ማካ ዓሶ ዔሪ ካፒንቴሢ ዘላ**

2:7 ዮሐ. 13:34።

18 ታ ናይዮቴ! ሃይ ጋፒንሢ ወዳኤ፤ «ኪሪሰቶስ ዓፂ ማካይ ሙካንዳኔ» ጌይንቴሢ ዒንሢ ወይዘኔ፤ ሃሢያ ሃይሾ ኪሪሰቶስ ዓፂ ማካይ ሚርጌ ኬሰኬኔ። ያዲ ማዒያና ሃይ ጋፒንያ ወዳ" ማዒሢ ኑ ዔራኔ።

19 ዔያታ ኬሰኬሢ ኑ ባኣካ"ፓኬ፤ ማዒቴያ ቤርታ ዔያታ ጎኔ ኑኡና ዋላ" ዓኣያቱዋሴ፤ ዋንዴ ዔያታ ጎኔ ኑኡና ዋላ" ዓኣያ ማዒ ዓኣቲ ኑኡና ዋላ" ደዲ ናንጌያ ናንዳንቴኬ፤ ቢያሢ ጎኔ ኑኡና ዋላ" ማዒ ባኣያ ማዒሢ ዔያቶኮ ዔርታንዳጉዲ ኑ ባኣካ"ፓ ዔያታ ዲማዲ ኬሰኬኔ።

20 ዒንሢዳ ጋዓንቴ ኪሪሰቶስ' ዓያኖ ጌኡዮ ኬይሴሢሮ ዒንሢ ቢያሢ ጎኔ ባኮ ዔራኔ።

21 ታኣኒ ዒንሢሞ ፃኣፓሢ ጎኔ ባኮ ዒንሢ ዔራዋኣሢሮቱዋሴ፤ ዒንሢ ጎኔ ባኮ ዔዔራኔ፤ ጎኔይዳ ሉኡዙሞ ባኣዚ" ባኣሢያ ዒንሢ ዔራኔ።

22 ዓካሪ ዩሱሴ፡- «ሜሲሔ» ማዒሢ «ታ ዔራዋሴ» ጋዓሢዳፓ ዓታዛ ሉኡዚ ጎዖሢ ያናዳይ? ያኑሲ ዓዳሢና ናዓሢና «ታ ዔራዋሴ» ጋዓሢ ቢያ ኪሪሰቶስ ዓፂ ማካሢኔ።

23 ናዓሢ «ታ ዔራዋሴ» ጋዓሢ ዓዳሢያ ዔራዋያኬ፤ ናዓሢ ጉሙርቃሢ ዓደዋ ጉሙርቃኔ።

24 ዒንሢኮ ጋዓንቴ ቤርታ ዒንሢ ወይዘ ኃኣላ" ዒና" ዓኣያ ማዖንጎ፤ ያዲ ማዒቴ ዒንሢኮ ናዓሢና ዓደና ዋላ" ፔቱሞ ዓኣያ ማዓንዳኔ።

25 ዩይ፤ ኪሪሰቶስ ኑሞ ዒንጌ ሃጊ ማዓንዳ ወዛ" ናንጊና ናንጎኬ።

26 ዒንሢ ጌሺ ዳቢሳ ዓሶ ዛሎ"ና ሓያ ታ ዒንሢሞ ፃኣፔኔ፤

27 ጋዓንቴ ኪሪሰቶስይዳፓ ዒንሢ ዔኬ ዓያና" ዒንሢዳ ናንጋሢሮ ሜሎ" ያኣኒያ ዒንሢ ዔርዘንዳያ ኮይሱዋሴ፤ ዒዚ ቢያ ባኣዚ" ዒንሢ ዔርዘንዳኔ፤ ዒዚ ዒንሢ ዔርዘንዳሢ ጎኔ ባኣዚ" ማዓንዳፓዓቲሞ ሉኡዙሞቱዋኣሢሮ ዒዚ ዒንሢ ዔርዘ ጎይያማ ኪሪሰቶስና ናንጉዋቲ።

**ያኑሲ ናይ**

28 ዓካሪ ታ ናይዮቴ! ዒዚ ሙኪ ጴዳ ወዳ"ና ኑኡኒ ዒጊጩዋዖ ጫርቂ ዒዛ ኑ ዛጋንዳጉዲና ዒ ሙካኣና ኑ ቦርሲንቴዋጉዲ ዒዛና ናንጉዋቲ፤

29 ዒዚ ዒሎ" ማዒሢ ዒንሢ ዔሬቲ ዒሎ" ማዳሢ ቢያ ያኑሲ ናይ ማዓሢ ዔራዋቲ።

### 3

1 «የኦሲ ናይ» ኑ ጌይንታንዳጉዲ ዓዳሢ ወዚጉዳ ናሹዋና ኑና ናሽኩቲ ሂንዳ ዛጉዋቲ! ጎኔ ኑ የኦሲ ናኣቶ"ኬ። ዓጫ" ዒዛ ዔሪባኣሢሮ ኑናኣ ዔራዋሴ።

2 ታ ዒጊሮንሢዮቲ! ሃሢ ኑኡኒ የኦሲ ናይኬ፤ ሃጊ ኑ ዎይታንዳቲያ ዔርቲባኣሴ። ጋዓንቲ ኪሪሰቶሴ ሙኪ ጴዳ ዎዶ"ና ጎኔና ኑ ዒዛ ዛጋንዳሢሮ ዒዛ ኑ ማላንዳሢ ኑ ዔራሬ።

3 ዬይ ያዲ ማዓንዳያታሢ፡ ኪሪሰቶሴ ዛሎ"ና ሃጊ ማዓንዳ ዎዛ ጌሃሢ ሲያ ኪሪሰቶሴ ጌኤሺ ማዔሢጉዲ ፔና ጌኤሻ"ኔ።

4 ጎሜ ማዳሢ ሲያ የኦሲኮ ዎጎ ዑሃ ዓኣዳኔ፤ ዎይቲ ጌዔቲ ጎሜ ጌይሢ የኦሲ ዎጎኮ ዑሃ ዓኣዳሢታሢሮኬ።

5 ኪሪሰቶሴ ዓሲኮ ጎሞ ጌኤሻ"ኒ ሙኪ ጴዳሢና ዒዛኮ ጎሜ ባኣያታሢ ዒንሢ ዔራሬ።

6 ዬያር ኪሪሰቶሴና ናንጋ ዓሲ ሲያ ጎሜ ማዲ ማዲ ናንጉዋሴ፤ ጎሜ ማዲ ማዲ ናንጋ ዓሲ ጋዓንቲ ኪሪሰቶሴ ዛጊባኣያኬ፤ ሃሃ ዔሪባኣያኬ።

7 ታ ናይዮቲ! የኦኒያ ዒንሢ ጌሺ ዳቢሱዋጉዲ፤ ኪሪሰቶሴ ዒሎ" ማዔሢጉዲ ዒሎ" ማዶ ማዳሢ ሲያ ዒሎ"ኬ።

8 ፃላሄ ቤርታኣፓ ዓርቃዎ ጎሜ ማዳያታሢሮ ጎሜ ማዳሢ ሲያ ፃላሄ ናይኬ። የኦሲ ናዓሢ ሙኪ ጴዳሢ ፃላሄኮ ማዶ" ባይዛኒኬ።

9 የኦሲ ናይ ማዔያ ጎሜ ማዲ ማዲ ናንጉዋሴ፤ ሃሃ ማዲ ማዲ ናንጋኒያ ዳንዳዑዋሴ። ዎይቲ ጌዔቲ የኦሲ ማሊፃ ዒዛይዳ ናንጋሢሮና የኦሲ ናይ ዒ ማዔሢሮኬ።

10 የኦሲ ናኣቶ"ና ፃላሄ ናኣቶ"ና ዲማዲ ዔርታሢ ዬያናኬ፤ ዒሎ" ማዶ ማዲዎያ፡ ሃሃ ፔኤኮ ዒሻሢንታ ሚሾንታ ናሽኩዋኣሢ ሲያ የኦሲ ናይቱዋሴ።

### ዎሊ ናሽኪሢ ማላ

11 ቤርታኣፓ ዒንሢ ዎይዜ ኪኢታ"፡- «ዎሊ ኑ ናሽኮም» ጋዓያኬ።

12 ፃላሄ ዓሲ ማዒ ፔ ጌርሲ ዎዳ፡ ቃኣዔኤሌጉዲ ማዓንዳያ ኑም ኮይሱዋሴ፤ ዒዚ ፔኤኮ ጌርሲ ዓይጎር ዎዳይ ጌዔቲ ዒዛኮ ማዳ" ፑርታ ማዔሢሮና ጌርሲ ማዳ" ፐዜ ማዔሢሮኬ።

13 ታ ዒሻንሃ! ታ ሚሾንሃ! ዓጫ" ዒንሢ ዒዔቶ ዲቃቲ ሄርሺፖፕ።

---

3:1 ዮሐ. 1:12። 3:5 ዮሐ. 1:29። 3:11 ዮሐ. 13:34። 3:12 ማገር. ማፃ 4:8።

14 ኩኒ ኩ ሲሸንሢና ኩ ሚሸንሢና ናሽካሢሮ ሃይቢፓ ናንጊ ባንሢ ኩ ፒንቄሢ ኩ ዔራኔ፤ ናሹሞባኣ ዓሲ ሓይቄያ ማዒ ናንጋኔ።

15 ፔ ዒሻሢና ፔ ሚሸና ዒፃሢ ቢያ ዓሲ ሸምፖ ዎዲያኩ፤ ዓሲ ሸምፖ ዎዲ ዓሲኮ ናንጊና ናንጊ ባኣሢ ዒንሢ ዔራኔ።

16 ናሹሞ ዓይጎ ማዔቴያ ኩ ዔራሢ ዩሱስ ኪሪሰቶሴ ፔ ሸምፓሢ ኩም ዓኣሢ ዒንገሢሮኬ፤ ኩኒ ሃሢ ኩ ሸምፓሢ ኩ ዒሸንሢንታ ሚሸንሢንታ ዛሎ" ዓኣሢ ዒንጋንዲያ ኮይሳኔ።

17 ዓሲ ሃያ ዓጮ"ይዳ ፔኤኮ ቆሎ ዓኣንቴ ሜታዲ ዓሲ ዛጋያ ሚጨገቴባኣቴ «የኦሲ ናሽካኔ» ዎይቲ ጋዒ ዲንዳዒ?

18 ታ ናይዮቴ! ኩኡኮ ናሹማ ጎኔ፥ ሃሢ ማድና ጴዳያ ማየንጎ፤ ዲንጋና ኬኤዚሢና ሌሊ ማየፓ።

19 ዩያና ኩ ጎኩሞ ዓሲ ማዒያንታ የኦሲ ቤርቶ ዓልቱዎ? ጉሙርቄ ኩ ሸኢካኒ ዲንዳዒሢ ኩ ዔራኔ።

20 ኩኡኮ ዒና" ፑርቶ ማዲ" ኩ ማዲሢ፡- «ዳባኔ» ጌዔቴያ የኦሲ ኩኡኮ ዒና"ፓ 0-ፀ ማዔሢ፤ ሃሢ ቢያ ባኣዚ" ዔራያ ማዔሢ ኩ ዔራኔ።

21 ታ ዒጊኖንሢየቴ! ዒና" ኩኡኮ ዳቢንቶ ኩም ኬኤዙዎያ ማዔቴ የኦሲ ቤርቶይዳ ዓልቱዎያ ኩ ማዓንዳኔ።

22 የኦሲኮ ዓይሢያ ኩ ኩንሣያና ዒዛ ዎዛሳ ባኣዚ" ኩ ማዲያ ማዔሢሮ ኩ ዒዛ ሸኢቃ ባኮ ቢያ ዒዛይዳፓ ኩ ዔካንዳኔ።

23 ዒዛኮ ዓይሢያ ዒዛኮ ናዓሢ፥ ዩሱስ ኪሪሰቶሴ ኩ ጉሙርቃንዳጉዲና ሃሢ ኪሪሰቶሴያ ኩና ዓይሢ ጎይያ ዎሊ ኩ ናሽካንዳጉዲኬ።

24 የኦሲ ዓይሢያ ኩንሣሢ ቢያ የኦሲና ናንጋኔ፤ የኦሲያ ዒዛይዳ ናንጋኔ። የኦሲ ኩጊዳ ናንጋሢ ኩ ዔራሢ' ዒዚ ኩም ዒንገ ዓያኖኩ።

# 4

## ዓያና ዲማሲ ዔራሢ ዛላ

1 ዒጊኖንሢየቴ! ዓጮ"ይዳ ሚርጌ፥ ሉኡዙሞና የኦሲ ማሊሢ ኬኤዛያ ማላ ዓሲ ኬሰኬሢሮ ዓያኖ ቢያ ጎኔ ዓያናኬ ጌይፖቴ፤ ዩያይዳፓ ዲቦ" ዓያና" የኦሲፓታቴያ ቱዎቴያ ዲማሲ ዔራኒ ዛጉዎቴ።

2 የኦሲ ዓያኖ ዲማሲ ዒንሢ ዔራኒ ዲንዳዒሢ ያዲኬ፤ ዩይያ፡- ዩሱስ ኪሪሰቶሴ ዓሲ ማዒ ጴዳሢ ማርካዲ ዓያና የኦሲ ዓያናኬ፤

3:14 ዮሐ. 5:24። 3:23 ዮሐ. 13:34፤ 15:12፤ 17።

3 ዬሱስ ኪሪስቶስ ዓሲ ማዒ ጴጄህ ማርካዲዎ ዓያና ያኦሲ ዓያናቱዋሴ፤ ዬይ ዓያና" «ሙካንዳኔ» ጌይንቴም ዒንህሂ ዋይዜ፥ ኪሪስቶስ ዒፃህ ዓያኖኬ፤ ዬይ ሃሂያ ዓጮ"ይዳ ዓኣኔ።

4 ታ ናይዮቴ! ዒንህሂ ያኦሲሮኬ፤ ዒንህሂዳ ዓኣ ዓያና" ዓጮ"ይዳ ዓኣ ዓያኖይዳፓ ባሼኬ፤ ዬያሮ ሉኡቂ ያኦሲ ማሊያ ኬኤዛያ ማላ ዓሶ ዒንህሂ ባሼኔ።

5 ዔያታ ሃያ ዓጮ"ሮ ማዔህሮ ዔያታ ኬኤዛህ ሃያ ዓጮ" ባኣዚ"ኬ፤ ሃይ ዓጮ"ኣ ዔያቶሲ ዋዋይዛኔ።

6 ኦኡኒ ጋዓንቴ ያኦሲሮኬ፤ ያኦሲ ዔራህ ቢያ ኦኡሲ" ዋይዛንዳኔ፤ ያኦሲሮ ማዒባኣህ ኦ ጋዓህ ዋይዛዓኬ። ጎኑም ዓያኖና ሉኡዙም ዓያኖና ዲማሲ ኦ ዔራንዳህ ዬያናኬ።

**ያኦሲ ዓሲ ናሽካያ ማዔህ**

7 ታ ዒጊኖንህዮቴ! ናሹም ያኦሲዳፓ ማዔህሮ ዋሊ ኦ ናሽኮም፤ ዬያይዳቴ ኦ ያኦሲ ናይኬ፤ ያኦሲያ ኦ ዔራኔ።

8 ያኦሲ፡ ዓሲ ናሽካያታህሮ ናሹም ባኣህ ያኦሲ ዔሩዋያኬ።

9 ፔኤኮ ናዓህ ዛሎ"ና ናንጊ ኦ ዴንቃንዳጉዲ ያኦሲ ፔቴ" ናዖ ዓጮ" ዳኬኔ፤ ዬያና ያኦሲኮ ናሹማ ዋዚጉዴያታቴያ ኑም ፔጋዲ ዔርቴኔ።

10 ኦኡኒ ያኦሲ ናሽኬህሮቱዋንቴ ዒዚ ኦና ናሽኪ፥ ጎማ ኦኡኮ ዓቶም ጌይንታንዳጉዲ ፔኤኮ ናዖ ዳኬኔ፤ ናሹም ጌይዖ ያዲኬ።

11 ታ ዒጊኖንህዮቴ! ያኦሲ ኦና ዬያይዲ ናሽኬያ ማዔቴ ኦ ዋሊ ናሽካንዳያ ኮይሳኔ።

12 ያኦሲ ዛጌ ዓሲ ፔቴ"ታዖ ባኣሴ። ኦኡኒ ዋሊ ናሽኬቴ ያኦሲ ኦኡና ዋላ" ናንጋንዳኔ፤ ዒዛ ናሹማኣ ጎኔና ኦ ዒና" ዓኣያ ማዓንዳኔ።

13 ያኦሲ ፔኤኮ ዓያኖ ኦማኣ ዒንጌህሮ ኦኡኒ ዒዛና ናንጋህንታ ዒዚያ ኦኡና ናንጋህ ኦ ዔራኔ።

14 ያኦሲ፡ ዓዳህ ዓጮ" ዳቂሻህ ማሂ ፔ ናዓህ ዳኬህ ኦ ዛጌ፤ ሃህ ኦ ማርካዳኔ።

15 ዬሱሴ ያኦሲ ናይ ማዔህ፡ ማርካዳ ዓሲዳ ቢያ ያኦሲ ናንጋኔ፤ ዒዚያ ያኦሲና ናንጋኔ።

16 ዬያሮ ያኦሲ ኦና ናሽካ ናሹም ኦ ዔራኔ፤ ሃህ ኦ ጉሙርቃኔ። ያኦሲ ዓሲ ናሽካያኬ፤ ናሹም ዓኣ ዓሲ ያኦሲና ናንጋኔ፤ ያኦሲያ ዒዛና ናንጋኔ።

17 ኑኡኒ ጎኔና ዎሊ ናሽኬቲ፣ ሃሣ ኪሪሰቶሴ ናንጌ ጎይያ ሃያ ዓጮ"ይዳ ኑ ናንጌቲ ጋፒንያ ዎጎ ኬሎ"ና ኑ ሂርጉዎያ ዒዛ ቤርቶ ሸኢካንዳኔ።

18 ናሹዎ ዓኣያታቲ ሂርጋ ባኣሴ፤ ጎኔ ናሹዎ ዒዛ ኬሎ"ና ሂርጎ ባይዛንዳኔ፤ ሂርጋ «ፑርታና ዎጊሳንዳኔ» ጌይ ማሊሢዳፓ ሙካሢሮ ሂርጋ ዓሶኮ ናሹማ ኩሙሢ ናሹዎቱዎሴ።

19 ያኦሲ ቤርታዲ ኑና ናሽኬሢሮ ኑ ዒዛ ናሽካኔ።

20 «ያኦሲ ታ ናሽካኔ» ጌይ ጌይ ፔ ዒሻሢና ፔ ሚሼሎና ዒፃሢ ለኡዚ ዓሲከ፤ ዒ ዴንቃ ፔ ዒሻሢና ፔ ሚሼሎና ናሽኪባኣያ ማዔቴ ዒ ዴንቁዎ ያኦዛሢ ናሽካኒ ዳንደዑዎሴ።

21 ዬያሮ ኪሪሰቶሴ ኑም ዓይሢ ዓይሢ፡- «ያኦሲ ናሽካሢ ፔ ዒሻሢንታ ፔ ሚሼሎንታ ናሽኮንጎ» ጋዓያኬ።

# 5

## ዓጮ" ባሻሢ ዛላ

1 ዬሱሴ ሜሲሔ ማዔሢ ጉሙርቃሢ ቢያ ያኦሲ ናይኬ፤ ዓዳሢ ናሽካሢ ቢያ ናዓሢና ናሽካኔ።

2 ያኦሲ ናኣቶ" ኑ ናሽካያ ማዔሢ ኑ ዔራንዳሢ ያኦሲ ናሽኪ፣ ዒዛኮ ዓይሢያዎ ኑ ኩንሢ ዎደ"ናኬ።

3 ያኦሲ ናሽኪሢ ጌይሢ ዒዛኮ ዓይሢያ ኩንሥሢኬ፤ ዒዛኮ ዓይሢያ ማታሳያቱዎሴ።

4 ዎይቲ ጌዔቴ ያኦሲ ናይ ማዔሢ ቢያ ዓጮ" ባሻያታሢሮኬ፤ ዓጮ" ኑ ባሻንዳሢያ ያኦሲ ጉሙርቁያናኬ።

5 ዓጮ" ባሻንዳሢ' ዬሱሴ ያኦሲ ናይ ማዔሢ ጉሙርቃሢ ሌሊኬ።

## ኪሪሰቶሴ ዛሎ" ማርካዲንቴ ማርካቶ

6 ዒዛኮ ማሰቲያ ዔርዛ ዎኣያንታ ሃይቦ ዔርዛ ሱጉያንታ ኬሰኬሢ ዬሱሰ ኪሪሰቶሴይዳፓኬ፤ ዒዛኮ ኬሰኬሢ ዎኣሢ ሌሊቱዎንቴ ዎኣሢና ሱጉሢናኬ፤ ዬይ ጎኔ ማዔሢ፡ ዓያኖ ጌኤዣ ማርካዲኔ፤ ዎይቲ ጌዔቴ ዓያኖ ጌኤዣ ጎኔ ኬኤዛያታሢሮኬ።

7 ዬያሮ ዒዛኮ ሃይሦ ማርካ ዓኣኔ፤

8 ዬያታ፡ ዓያና ጌኤሺንታ ዎኣሢንታ ሱጉሢንታኬ፤ ዬንሢ ሃይሦንሢ ማርካዲ ማርካታ ፔቴ" ማዓያኬ።

9 ዓሲ ማርካዳ ማርካቶ ኑ ዔካኔ፤ ጋዓንቴ ያኑሲ ማርካታ ቢያይዳፓ ባሼኩ። ያኑሲ ፔኤኮ ናዓሢ ዛሎ" ማርካዳ ማርካታ" ያዲኩ።

10 ያኑሲ ናዓሢ ጉሙርቃሢኮ ዬይ ማርካታ" ዒና" ዓኣኔ። ያኑሲ ጉሙርቁዋኣሢ ጋዓንቴ ያኑሲ ፔኤኮ ናዓ ዛሎ" ማርካዳ ማርካቶ ጉሙርቁባኣሢ ር ያኑሲ ሉኡቄያ ማሃኔ።

11 ዬይ ማርካታ" ያኑሲ ናንጊና ናንጊ ኑም ዒንጌሢና ዬያ ናንጎ ዒዛኮ ናዓሢ ዒንጋያታሢ ማርካዳያኩ።

12 ያኑሲ ናዓሢ ዓኣሢኮ ናንጊ ዓኣኔ፤ ያኑሲ ናዓሢ ባኣሢኮ ጋዓንቴ ናንጊ ባኣሴ።

**ናንጊና ናንጊ**

13 ዒንሢ፣ ያኑዛሢ ናዓሢ ሱንጾና ጉሙርቃዞንሢኮ ቢያ ናንጊና ናንጊ ዓኣያ ማዔሢ ዒንሢ ዔራንዳጉዲ ሃያ ቢያ ታ ዒንሢም ያኣፓኔ።

14 ዓይጎ ባኣዚ"ያ ማዖም ዒዛ ማሊያጉዲ ኑ ሺኢቄቴ ኑም ዒ ዋይዛንዳሢ ኑ ጉሙርቃኔ፤ ያኑሲ ቤርታ ኑኡኮ ዓኣ ጫርሹማ ዬያኩ።

15 ኑ ሺኢቃ ባኮ ቢያ ዒ ዋይዛሢ ኑ ዔሬቴ ዒዛይዳፓ ኑ ሺኢቃ ባኮ ቢያ ዔኩሢሢ ኑ ዔራኔ።

16 ያኑኒያ፡ ፔኤኮ ዒሻሢያ ማዖም ሚሹሎ ዋዲዋ ጎሜ ማዳንቴ ዴንቄቴ ዒዛም ሺኢቆንጎ፤ ዬያ ዓሢና ዓሴሎና ጎሜ ዋዲዋያ ማዔቴ ያኑሲ ዒዛም ናንጊ ዒንጋንዳኔ። ጋዓንቴ ዋዲ ጎሜ ዓኣኔ፤ ዬያጉዴ ጎሞም ሺኢቆንጎ ታ ጎዑዋሴ።

17 ፑርታ ማዶ ቢያ ጎሜኩ፤ ማዔቴያ ዋዲዋ ጎሜ ዓኣኔ።

18 ያኑሲ ናይ ማዔሢ ቢያ ጎሜ ማዲ ማዲ ናንጉዋኣሢ ኑ ዔራኔ፤ ዋይቴ ጌዔቴ ያኑሲኮ ናዓሢ፣ ዬሱሰ ኪሪሰቶሴ ዒዛ ካፓሢሮኩ፤ ያላሄያ ዒዛ ካኣሙዋሴ።

19 ኑኡኒ ያኑሲ ዓሲ ማዔሢ፤ ሃሃ ዓጫ" ጉቤ ያላሄ ዓሲ ማዔሢ ኑ ዔራኔ።

20 ያኑሲ ናዓሢ ሙኩሢና ጎኔ ማዔሢ፣ ዒዛ ኑ ዔራንዳጉዲ ማሊ ጳቆሢ ዒና ኑም ዒንጌሢ ኑ ዔራኔ፤ ኑኡኒ ዬያ ጎኔ ማዔ፣ ዬሱሰ ኪሪሰቶሴና ናንጋኔ፤ ዒዚ ጎኔ ያኑሲ ሃሃ ናንጊና ናንጊ ዒንጋያኩ።

21 ታ ናይዮቴ! ሜሌ" ያኑዞ ካኣሽኪሢዳፓ ዒንሢና ካፑዋቴ።

**Maale New Testament**  
**The New Testament in the Maale language of Ethiopia**  
copyright © 2007 Bible Society of Ethiopia

Language: (Male)

Contributor: Bible Society of Ethiopia

**Maale New Testament**

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

---

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1